

Powšitkowne WOZJEWJENJA

njedźelu, 17. apryla 2016

Maš zajim za studij teologije?

Čehodla njeměł poprawom teologiju studować? Studentow teologije a samo profesorow móžeće so „džěry do brjucha“ wuwuprašować. Woni přijědu k tomu do Drježdžansko-Mišnjanskeho biskopstwa a samo do Łužicy. Dožiwić móžeće jich sobotu, 23. apryla, wot 9 hodź. w Budyšinje na farje, Při Pětrowej cyrkwi 7.

Młodostne jako družki prošene

Młodostne su prošene, zo bychu jako družki na zakónčacej Božej mši 100. zjězda katolikow Němskeje njedźelu, 29. meje, dopołdnja na Augustusowym naměsće w Lipsku, jako družki sobu začahnyli. Wone změja w přednim džělu swoje městna. Družki wot 9. lětnika su prošene, zo bychu so na tutech kemšach k wjetšej česći Božej wobdźělili. Jězbu z busom do Lipska njetrjebaja wone zapłaćić. Wotjězd budže něhdže w 6.30 hodź. Wone měli hižo zdrascene być. Po kemšach, kotraž zahaja so w Lipsku w 10 hodź., a wobjedže so zaso domoj nawróća. Zajimče njech so prošu hač do póndzele, 18. apryla, w redakciji Katolskeho Posoła w Budyšinje, telefonowe čisło (0 35 91) 55 02 12, abo z mailku na Katolski@Posol.de přizjewja.

Kapałnikow zeznać

Drježdžanscy kapałnicy přeprašuju na dzeń wotewrjenych duri, kotryž budže sobotu, 23. apryla. Wot 14 hodź. móža zajimcy na Wittenbergskej 88 zjawnu probu katolskeho hólčeho chóra dožiwić. Po tym powjedu młodzi spěwarjo hosći po swojim internace. Wučerjo hudźby podadza dohlad, kak hólcy ze swojim instrumentom a swojimj hłosom zwučuja. Zajimowani hólcy móža swój hłos přepruwować dać. Dzeń wotewrjenych duri skónči so w 16 hodź. z koncertom w cyrkwi Marije donjebjeswzaća, kotraž je hnydom za institutom kapałnikow. Přeco zaso su w tutym chórze serbscy pacholjo spěwali. Kapłan Alojs Andrlicki bě prefekt kapałnikow.

Pěši do Częstochowy

Tež lětsa pozbudza farar Beno Jakubaš, so wot 5. do 15. awgusta w serbskej skupinje na putnikowanje z Warszawy do Częstochowy podać. Zajimcy njech so bórze přizjewja pola fararja Jakubaša w Radworju, telefonowe čisło (03 59 35) 2 07 13.

Za putnikowanje do Krupki so přizjewić

Młodostni wot 16 lět su přeprašeni, wot njedźele, 3. julija, do Krupki putnikować. Woni nawróća so pjatk, 8. julija. Přizjewić měli so zajimcy hač do pjatka, 3. junija, w Chróscicach na farje, telefonowe čisło (03 57 96) 80 400. Po tym so přizjewjenja hižo njepřijimuju. Putnicy zetkaja so njedźelu, 5. junija, po nyšporje w Chróscicach na farje, štož je za wšitkich nowačkow winowatosć. Nyšpor započnje so w 14 hodź. Putniska Boža mša w Krupce budže srjedu, 6. julija, w 10 hodź.

Beneficny koncert we Łazku

Před kulisu Łazkowskeho lěsa zarjaduje Towarstwo swjateje Filomeny njedźelu, 24. ap-ryla, wot 14.30 hodź. beneficny koncert. Program wuhotuja kapala Horjany, hudźbnik Měrćin Weclich, folklorna skupina Sprjewjan, Smjerdžečanska rejwanska skupina, Lajska dźiwadłowa skupina Šunow-Konjicy kaž tež awtoraj Monika Kochowa a Beno Budar. Wunošk wužije so za dźěło we wjacorych socialnych zarjadniščach w bołharskim Razgradze.

Z busom na zjězd katolikow

Štóž chce sej na 100. zjězd katolikow Němskeje do Lipska dojeć, ma k tomu z busom dvě možnosti. Radworske Šmitec wozydłownistwo poskičuje jězbje sobotu, 28. meje, kaž tež njedźelu, 29. meje. Zajimcy měli so pola Šmitec w Radworju přizjewić, telefonowe čisło (03 59 35) 28 60.